



Inatsisartunut ilaasortaq Aqqa Samuelson, Inuit Ataqatigiit

E-mail-ikkut nassiunneqarpoq: [inatsisartut@inatsisartut.gl](mailto:inatsisartut@inatsisartut.gl)

Inatsisartut suleriaasianni § 37, imm. 1 naapertorlugu erngup nukinganit innaallagissiorfiit pillugit Naalakkersuisunut apeqquteqarputit. Apeqquteqaat uannut akisassanngorlugu innersuunneqarpoq.

06-12-2018  
Suliap nr. 2018 - 2212

Postboks 1601  
3900 Nuuk  
Tlf. (+299) 34 50 00  
E-mail: [isiin@nanoq.gl](mailto:isiin@nanoq.gl)  
[www.naalakkersuisut.gl](http://www.naalakkersuisut.gl)

**1. Aasianni, Qasigiannuani, Maniitsumi, Paamiuni kiisalu  
Nanortalimmi erngup nukinganik nukissiorfinnik pilersitsinissamut  
Naalakkersuisut qanoq pilersaaruteqarpat.**

**A. Apeqqut aappiuppat, qaqugu sanaartornissaat  
pilersaarutaappat?**

**Apeqqummut 1-imut akissut:** Nukissiuuteqarnermut Imermillu Pilersuineramik Immikkoortumut Pilersaarummi siunertaasut pingaarnerit ilaat tassaavoq nukissiuutinut ataavartunut ikaarsarneq ajornanngikkaangat sumi tamarmi pissasoq. Siunnerfik pingaarneq arlalinnik ingerlataqarnikkut anguneqassaaq, ilaatigut illoqarfinni taaneqartuni erngup nukinganut periarfissat misissorneqarnerisigut aamma Kalaallit Nunaanni inoqarfinni tamani ukiut sisamat tulliuuttut ingerlaneranni ataavartumik nukissiuutinut allanut paasissutissanik nalunaarsukkanik katersuinikkut, pineqartunut ilaatinneqarlutik.

Aasianni, Qasigiannuani, Maniitsumi, Paamiuni aamma Nanortalimmi erngup nukinganik nukissiorfiliornissamut periarfissat misissorneqassapput. Erngup nukinganik nukissiorfiliornissaq pillugu aalajangiineq ilisimasamik nalunaarsukkanik patajaatsunik tunngaveqartumik aalajangiiffigineqassaaq, taamaattumik sanaartornissanut aalajangersimasumik ulluliisoqarsimanani.

Uani annertunerusut takukkit: <https://bit.ly/2P17vzg>

**2. Uuliamik nukissiuuteqarnerup (kiassarneq/kallerup-innera)  
annikillissarnissaanut Naalakkersuisut qanoq pilersaaruteqarpat?**

**Apeqqummut 2-imut akissut:** Nukissiuuteqarnermut Imermillu Pilersuineramik Immikkoortumut Pilersaarut naapertorlugu Naalakkersuisut anguniagaraat 2030-imi pisortani nukissiuummik pilersuineq sapinngisamik annertunerpaamik ataavartumik nukissiuutinit pissasoq. Taamaalilluni uuliamik pilersuinerup atorunnaariartuaarnissaa siunertaralugu ukiuni aggersuni sisamani ataavartumik nukissiuutinit paasissutissanik nalunaarsukkanik katersisoqartussaavoq.

Aamma annertunerusut takukkit uani: <https://bit.ly/2P17vzg>

**3. Naalackersuisut nukissiutininik piujuaannartunik allanik misileraanissamut suliniutininik pilersaaruteqarpat? Assersuutigalugu immap sarfaa, seqerngup qinngorneri anorimillu nukissiornerit.**

**A. Akissut aappiuppat sumi/qaqugu misileraasoqarnissaa pilersaarutaava?**

**Apeqqummut 2-imut akissut:** Nukissiorfiit 2018-imi nukissiuutininik ataavartunik assigiinngitsunik atuineq misilerarpaat. Igalikumi misileraalluni suliniut aallartinneqarpoq, nunaqarfimmut ataavartumik nukissiuummik pilersuisussamik. Taanna tassaavoq seqernup qinngornerininik katersiviit, anorisaatit aamma battereeqarfik ataqatigiissillugit ingerlanneqartoq.

Matuma siuliani taaneqartutut Kalaallit Nunaata kitaata sineriaa sinerlugu anorisaatinik, seqerngup qaamarnganik tigooraassutininik il. Il. ikkussuinissamut periarfissanik misissuineq aallartinneqarpoq. Sisimiuni anorisaatit misileraatissat assigiinngitsut ikkussorneqarput. Misileraanerit tunngavigalugit anorisaatit sorliit Kalaallit Nunaanni atussallugit naleqqunnerpaanersut nalilersorneqassaaq.

Aammattaq apeqqummut 1-imut akissuteqaat takuuk.

Inussiarnersumik inuulluaqqusillunga

  
Aqqalu Jerimiassen